

Na osnovu člana 143.. Zakona o srednjem obrazovanju (“Službene novine Kantona Sarajevo”, broj: 23/17), Školski odbor Srednje škole za tekstil, kožu i dizajn Sarajevo, , na osnovu Odluke Školskog odbora 01-298/21 od 29.4.2021.godine objavljuje;

**Poništenje Javnog konkursa za izbor direktora javne ustanove Srednje škole za tekstil, kožu i dizajn Sarajevo**

Poništava se javni konkurs za izbor direktora škole na period od četiri godine objavljen dana 10.3.2021.godine u dnevnom listu „Oslobođenje“ i na web stranici Ministarstva za odgoj i obrazovanja Kantona Sarajevo.

Na osnovu člana 143., a u vezi sa članom 146. stav 3. Zakona o srednjem obrazovanju (“Službene novine Kantona Sarajevo”, broj: 23/17), člana 7. Pravilnika o izboru, kriterijima za izbor, nadležnostima i radu direktora srednjih škola (“Službene novine Kantona Sarajevo”, broj: 46/18) i člana 154. Pravila Javne ustanove Srednje škole za tekstil, kožu i dizajn Sarajevo i Odluke Školskog odbora broj: 01-299/2021 od 29.4.2021.godine, r a s p i s u j e s e

**JAVNI KONKURS  
ZA IZBOR DIREKTORA**

**JAVNE USTANOVE SREDNJE ŠKOLE ZA TEKSTIL, KOŽU I DIZAJN SARAJEVO**

Javni konkurs za izbor direktora Javne ustanove Srednje škole za tekstil, kožu i dizajn Sarajevo, raspisuje se na mandatni period od četiri godine.

**I USLOVI ZA IZBOR**

Pored uslove u pogledu stručne spreme, za direktora Javne ustanove Srednje škole za tekstil, kožu i dizajn Sarajevo u Sarajevu može biti imenovano lice koje ispunjava sljedeće opšte i posebne uslove:

**Opšti uslovi:**

- a) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države, entiteta ili kantona) u periodu od tri godine od dana prijavljivanja na javni konkurs;
- b) da se na tog kandidata ne odnosi član IX 1. Ustava Bosne i Hercegovine;
- c) da nije osuđivan za krivično djelo i za privredni prestup nespojiv sa obavljanjem dužnosti direktora škole;
- d) da nema privatni finansijski interes u Javnoj ustanovi Srednje škole za tekstil, kožu i dizajn Sarajevo u kojoj se kandiduje za direktora.

**Posebni uslovi:**

- a) da ispunjava uslove za nastavnika ili pedagoga u školi;
- b) da ima najmanje 8 godina radnog iskustva i od toga najmanje 5 godina na poslovima u nastavi ili na pedagoško-psihološkim poslovima u stepenu stručne spreme koja se traži za radno mjesto;
- c) da ima najmanje VII stepen stručne spreme, odnosno završen najmanje II ciklus bolonjskog visokoobrazovnog procesa;
- d) da ima najmanje zvanje mentora.

Za direktora ne može biti imenovano:

- a) lice koje ima smetnje za imenovanje i obavljanje funkcije u skladu sa Zakonom o sukobu interesa u organima vlasti u Federaciji Bosne i Hercegovine Zakona o ministarskim, vladinim i drugim imenovanjima Federacije Bosne i Hercegovine,
- b) lice za koje se odgovarajućom medicinskom procedurom utvrdi da je alkoholičar, odnosno ovisnik o narkoticima,
- c) lice za koje se odgovarajućom medicinskom procedurom utvrdi da boluje od zarazne ili duševne bolesti,
- d) lice protiv kojeg je potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg Krivičnog zakona Federacije Bosne i Hercegovine može izreći kazna zatvora u trajanju od tri mjeseca i više.

**II SADRŽAJ PRIJAVE**

Kandidati su dužni dostaviti sljedeću dokumentaciju (original ili ovjerenu kopiju):

1. Svojeručno potpisanu prijavu na javni konkurs, sa kontakt podacima (adresa stanovanja, broj telefona i e-mail adresa) i tačno navedenom dokumentacijom koja se prilaže na javni konkurs;
2. Biografiju;
3. Izvod iz matične knjige rođenih;
4. Uvjerenje o državljanstvu (ne starije od 6 mjeseci);
5. Dokaz o stručnoj spremi / Diploma o završenom fakultetu;
6. Uvjerenje o položenom stručnom ispitu;
7. Dokaz o radnom iskustvu ( najmanje osam godina radnog iskustva i od toga najmanje pet godina na poslovima u nastavi ili na pedagoško-psihološkim poslovima u stepenu stručne spreme koja se traži za radno mjesto ), a koje podrazumijeva rad u nastavi sa sedmim stepenom stručne spreme, odnosno završenim najmanje II ciklusom bolonjskog visokoobrazovnog procesa (potvrdu izdaje predhodni poslodavac/poslodavci);
8. Rješenje o sticanju stručnog zvanja (najmanje zvanje mentor);
9. Dokaz da protiv lica koje konkuriše za direktora nije potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg Krivičnog zakona Federacije Bosne i Hercegovine može izreći kazna zatvora u trajanju od tri mjeseca i više, ne stariju od 3 mjeseca (izdaje nadležni sud);
10. Potpisana i ovjerena izjava od strane nadležne Općinske službe kojom kandidat potvrđuje sljedeće:
  - a) da nije otpušten iz državne službe kao rezultat disciplinske mjere na bilo kojem nivou u BiH u periodu od 3 godine od dana prijavljivanja na javni konkurs;
  - b) da se na kandidata ne odnosi član IX st.1 Ustava BiH;
  - c) da nije osuđivan za krivično djelo i za privredni prestup nespojiv sa obavljanjem dužnosti direktora škole;
  - d) da nema privatni finansijski interes u školi u kojoj se kandiduje na mjesto direktora;
  - e) da nema smetnje za imenovanje i obavljanje funkcije u skladu sa Zakonom o sukobu interesa u organima vlasti u FBiH i Zakonom o Ministarskim, vladinim imenovanjima FBiH;
11. Pisani razvojni plan i program Javne ustanove Srednje škole za tekstil, kožu i dizajn Sarajevo za mandatni period;

### **III DOSTAVLJANJE PRIJAVE I POTREBNE DOKUMENTACIJE**

Prijave sa dokazima o ispunjavanju uslova dostaviti najkasnije sa danom 17.5.2021.godine poštom preporučeno ili u zatvorenoj koverti na protokol škole svakog radnog dana u vremenu od 08:00 do 14:00 sati, na adresu:

**Javna ustanova Srednje škole za tekstil, kožu i dizajn Sarajevo  
Ul. Medrese broj 5  
71000 Sarajevo,  
sa naznakom:**

**„Prijava na javni konkurs za izbor direktora - ne otvaraj (otvara Školski odbor)“.**

### **IV NAČIN I ROK OBAVJEŠTAVANJA PRIJAVLJENIH KANDIDATA**

Školski odbor će pisanim putem obavijestiti sve kandidate koji su se prijavili na konkurs o Odluci o imenovanju direktora, u roku od 8 (osam) dana od dana donošenja odluke.

### **V KONKURSNI ROK**

Konkurs ostaje ostvoren 15 (petnaest) dana od dana objavljivanja u dnevnom listu „OSLOBOĐENJE“ dana i dana objavljivanja na službenoj stranici Ministarstva za odgoj i obrazovanje Kantona Sarajevo.

Konkurs će biti objavljen na web stranici Ministarstva za odgoj i obrazovanje Kantona Sarajevu i u dnevnom listu "OSLOBOĐENJE", dana 30.4.2021. godine.

Neotpune i neblagovremene prijave, prijave kandidata koji ne ispunjavaju uvjete ovoga konkursa, kao i fotokopije tražene dokumentacije i izjave koje nisu ovjerene neće se uzeti u razmatranje.

### **NAPOMENA:**

Izjave koje su naprijed navedene ovjeravaju se kod nadležnog organa.

Direktora imenuje i razrješava Školski odbor Srednje škole za tekstil, kožu i dizajn Sarajevo, uz Saglasnost Vlade Kantona Sarajevo.

Kriteriji, procedure, uvjeti, način izbora i imenovanja direktora Javne ustanove Srednje škole za tekstil, kožu i dizajn Sarajevo, utvrđeni su Pravilnikom o izboru, kriterijima za izbor, nadležnostima i radu direktora srednjih škola ("Službene novine Kantona Sarajevo", broj: 46/18).

Direktor se imenuje na mandatni period od 4 (četiri) godine.

**Izabrani kandidat će ljekarsko uvjerenje (ne starije od 6 mjeseci) i ovjerenu izjavu kod nadležnog organa da ispunjava uvjete utvrđene članom 146. stav 12. tačka a i b Zakona o srednjem obrazovanju („Službene novine Kantona Sarajevo“ broj: 23/17) biti obavezan dostaviti po izboru, a prije imenovanja na funkciju direktora ove Javne ustanove.**

Izrazi koji se koriste u ovom Konkursu, a imaju rodno značenje, odnose se jednako na muški i na ženski rod.

Datum: 30.4.2021. godine

Predsjednik Školskog odbora

Hasib Gabeljić

